

御选历代诗余







御選歷代詩餘卷二目錄

起三十八字  
至三十四字

南鄉子

又一體

歐陽炯

五首

甘州曲

蜀王衍

乾荷葉

劉秉忠

九張機

無名氏

落梅風

解縉

喜春來

張雨

法駕導引

陳與義

上清蔡真人

赤城仙子 二首

秋風清

李白

江南春

寇準

蹋歌詞

卷二目錄  
三十四  
二十八

崔液 二首

拋毬樂

劉禹錫 二首

皇甫松 二首

徐鉉

南鄉子 又一體

李珣 十首

九張機 又一體

無名氏

黃金縷

張紅橋

憶王孫

李甲 四首

陳克 三首

呂渭老 三首

張元幹

姚寬

程垓

姜夔

陸游

張輯

張炎

汪元量二首

劉基

吳子孝

葛一龍

沈懋德

夏復

沈宜修

前調又一體

呂巖

一葉落

後唐莊宗

蕃女怨

温庭筠

後庭花

王暉

邵亨貞

二首

遐方怨

温庭筠

轉應曲

韋應物

王建

戴叔倫



馮延巳 二首

蘇軾

劉基 二首

高啓 二首

楊慎 二首

後庭花 又一體

趙孟頫

訴衷情

韋莊 二首

顧夔

前調 又一體

溫庭筠

甘州子

顧夔 二首

如夢令

白居易

後唐莊宗

晏殊

蘇軾 二首

秦觀 五首

李之儀

賀鑄

晁冲之 三首

蘇庠

周紫芝

謝逸 二首

晁端禮

曹組

李祁 二首

王之道

張元幹

呂本中 二首

辛棄疾 二首

范成大 二首

陳三聘 二首

呂勝己

劉克莊

陸游

張輯

吳潛

方岳

趙汝芑

吳文英

蔣捷

陳允平 二首

張炎 二首

石孝友 三首

李清照 二首

孫道絢

陸氏姬

嚴蘖

劉景翔

王容溪

王逢

倪瓚

王行 二首

劉基

楊基 二首

顧璘

楊慎

王世貞

馮琦

王衡 二首

陳子龍 三首

武氏 二首

王微 二首



西溪子

牛嶠

思帝鄉

韋莊

天仙子

皇甫松

二首

和凝

前調

又一體

韋莊

歸自謠

馮延巳

歐陽修

朱諫

風流子

孫光憲

二首

御選歷代詩餘卷二目錄

御選歷代詩餘卷二

起二十八字  
至三十四字

司經局洗馬掌局事兼翰林院修撰加二級臣王奕清奉

旨校刊

南鄉子

又一體單調  
二十八字

南鄉子

歐陽炯

洞口誰家木蘭船繫木蘭花紅袖女郎相引去遊南浦  
笑倚春風相對語

前調

歐陽炯

路入南中桄榔葉暗蓼花紅兩岸人家微雨後收紅豆  
樹底纖纖擡素手

前調

歐陽炯

翡翠鸚鵡白蘋香裏小沙汀  
島上陰陰秋雨色蘆花撲  
數隻漁船何處宿

前調

歐陽炯

嫩草如煙石榴花發海南天  
日暮江亭春影綠鴛鴦浴  
水遠山長看不足

前調

歐陽炯

袖斂鮫綃采香深洞笑相邀  
藤杖枝頭蘆酒滴鋪葵席  
豆蔻花間趁晚日

甘州曲

蜀王衍至成都山上清宮自製此  
曲沿唐樂府名單調二十八字

甘州曲

蜀王衍

畫羅裙能結束稱腰身柳眉桃臉不勝春薄媚足精神  
可惜淪落在風塵

乾荷葉

元劉秉忠自度曲以首句名  
調平仄互叶單調二十九字

乾荷葉

劉秉忠

乾荷葉色蒼蒼老柄風搖蕩減清香越添黃都因昨夜  
一番霜寂寞秋江上

九張機

此調自一至九從長篇  
中摘出單調二十九字

九張機

無名氏



輕絲象牀玉手出新奇  
千花萬草光凝碧  
裁縫衣著春  
天歌舞飛蝶語黃鸝

落梅風

單調二十九  
字平仄互叶

落梅風

中秋望  
月應制

解 緝

嫦娥面今夜圓下雲簾不著羣  
僊見揉今宵倚闌不去  
眠看誰過廣寒宮殿

喜春來

單調二  
十九字

喜春來

除夜玉  
山舟中

張 雨

江梅的的依茅舍  
石瀨濺濺漱玉沙  
瓦甌篷底送年華



問暮鴉何處阿戎家

法駕導引

此調似望江南但以疊用起句為別單調三十字

法駕導引

陳與義

朝元路朝元路同駕玉華君千乘載花紅一色人間遙  
指是祥雲回望海光新

前調

李清蔡真人

闌干曲闌干曲紅颺繡簾旌花嫩不禁纖手捻被風吹  
去意還驚看恨蹙山青

前調

赤城仙子

東風起東風起海上百花搖十八風鬟雲半動飛花和

法駕導引 秋風清 江南春

雨著輕綃歸路碧迢迢

前調

赤城仙子

煙漠漠煙漠漠天澹一簾秋自洗玉舟斟白酒月華微  
映是空舟歌罷海西流

秋風清

一名秋風辭調與江南春同但起句兩平韻與江南春一仄句一平韻為少異耳單調三十字

秋風清

李太白

秋風清秋月明落葉聚還散寒鴉棲復驚相思相見知  
何日此時此夜難為情

江南春

寇準自度曲有江南春盡離腸斷之句故以名調單調三十字

江南春

寇準

波渺渺柳依依孤村芳草遠斜日杏花飛江南春盡離  
腸斷蘋滿汀洲人未歸

蹋歌詞

西京雜記載歌者蹋地為節此蹋歌之始也四句五  
言接七字句三字句單調三十字作五言六句者非

蹋歌詞

崔液

綵女迎新屋仙姬出畫堂鴛鴦裁錦袖翡翠貼花黃歌  
響舞行分豔色動流光

前調

崔液

庭際花微落樓前漢已橫金壺催夜盡羅袖舞寒輕調  
笑暢歡情未半看天明

拋球樂

唐詞多寫本意宋隊舞有拋毬樂即用此為舞曲單調三十字首句亦有不用韻者

拋毬樂

劉禹錫

五色繡團圓登君玳瑁筵最宜紅燭下偏稱落花前上  
客如先起應須贈一船

前調

劉禹錫

春蚤見花枝朝朝恨發遲及看花落後却憶未開時幸  
有拋毬樂一杯君莫辭

前調

皇甫松

紅撥一聲飄輕毬墜越綃帶翻金孔雀香滿繡蜂腰少  
少拋分數花枝正索饒

前調

金蹙花毬小真珠繡帶垂幾回衝蠟燭千度入香懷上  
客終須醉觥盃且亂排

前調

歌舞送飛毬金觥碧玉籌管絃桃李月簾幙鳳凰樓一  
笑千場醉浮生任白頭

南鄉子

又一體單  
調三十字

南鄉子

李 珣

煙漠漠雨淒淒岸花零落鷓鴣啼遠客扁舟臨野渡思  
鄉處潮退水平春色暮

印... 寺... 拋毬樂 南鄉子



前調

李珣

蘭橈舉水紋開競攜藤籠採蓮來迴塘深處遙相見邀  
同宴綠酒一卮紅上面

前調

李珣

歸路近扣舷歌採真珠處水風多曲岸小橋山月過煙  
深鎖豆蔻花垂千萬朵

前調

李珣

乘綵舫過蓮塘棹歌驚起睡鴛鴦帶香遊女偎伴笑爭  
窈窕競折團荷遮晚照

前調

李珣

雲帶雨浪迎風釣翁迴棹碧灣中春酒香熟鱸魚美誰



同醉纜却扁舟篷底睡

李 珣

前調

漁市散渡船稀越南雲樹望中微行客待潮天欲暮送  
春浦愁聽猩猩啼瘴雨

前調

李 珣

攏雲髻背犀梳蕉紅衫映綠羅裾越王臺下春風暖花  
盈岸遊賞每邀鄰女伴

前調

李 珣

攜籠去採菱歸碧波風起雨霏霏趁岸小船齊棹急羅  
衣濕出向枕榔樹下立

前調

李 珣

登畫舸泛清波採蓮時唱採蓮歌蘭棹聲齊羅袖斂池  
光颺驚起沙鷗八九點

前調

李珣

雙髻墜小眉彎笑隨女伴下春山玉纖遙指花深處爭  
回顧孔雀雙雙迎日舞

九張機

又一體單  
調三十字

九張機

無名氏

一張機採桑陌上試春衣風晴日暖慵無力桃花枝上  
啼鶯言語不肯放人歸

黃金縷

單調三  
十字

黃金縷

明媛  
張紅橋

記得紅橋西畔路郎馬來時繫在垂楊樹  
漠漠黎雲和  
夢度錦屏翠幙留春住

憶王孫

單調三十一字一名憶君王一名怨王孫一名豆  
葉黃一名畫蛾眉一名闌千萬里心一名一半兒

憶王孫

李 甲

萋萋芳草憶王孫柳外樓高空斷魂  
杜宇聲聲不忍聞  
欲黃昏雨打梨花深閉門

前調

李 甲

風蒲獵獵小池塘過雨荷花滿院香  
沈李浮瓜冰雪涼

竹方牀鍼線慵拈午夢長

前調

李甲

颼颼風冷荻花秋明月斜侵獨倚樓十二珠簾不上鈎  
黯凝眸一點漁燈古渡頭

前調

李甲

同雲風掃雪初晴天外孤鴻三兩聲獨擁寒衾不忍聽  
月朧明窓外梅花瘦影橫

前調

陳克

粉牆丹檻柳陰中簾箔輕明花影重午醉醒來一面風  
綠葱葱幾顆櫻桃葉底紅

前調

陳克

樹頭初日鷓鴣鳴野店山橋新雨晴短褐無泥竹杖輕  
水泠泠梅片飛時春草青

前調

陳克

鞦韆人散小庭空麝冷燈昏愁煞儂獨有閒階兩袖風  
月朧朧一樹梨花細雨中

前調

呂渭老

芰荷香外一聲蟬風撼琅玕驚晝眠刻燭題詩花滿牋  
小神仙對倚闌干月正圓

前調

呂渭老

晚妝新試碧衫涼金鴨猶殘昨夜香柳際風來月滿廊  
一雙雙人對鴛鴦浴小塘



前調

呂渭老

玉簫風外一聲清粉面嬋娟對月明紫府樓臺夜不扃  
羽衣輕穩駕雙鸞謁帝庭

前調

張元幹

輕羅團扇掩微羞酒滿玻璃花滿頭小板齊聲唱石州  
月如鉤一寸橫波入鬢流

前調

姚寬

毵毵楊柳綠初低澹澹梨花開未齊樓上情人聽馬嘶  
憶郎歸細雨春風濕酒旗

前調

程垓

瀟瀟梅雨斷人行門掩殘春綠蔭生翠被寒燈枕自橫

夢初驚牕外啼鶯催五更

前調

姜夔

冷紅葉葉下塘秋長與行雲共一舟零落江南不自由  
兩綢繆料得吟鸞夜夜愁

前調

陸游

春風樓上柳腰肢初試花前金縷衣  
嫋嫋娉娉不自持  
曉妝遲畫得蛾眉勝舊時

前調

張輯

小樓柳色未春深湘月牽情入苦吟  
翠袖風前冷不禁  
怕登臨幾曲闌千萬里心

前調

謝安  
碁墅

張炎

爭碁賭墅意欣然心似游絲颺碧天只爲當時一著先  
笑苻堅百萬軍聲屐齒前

前調

集句

汪元量

吳王此地有樓臺風雨誰知長綠苔半醉閒吟獨自來  
小徘徊惟見江流去不回

前調

汪元量

上陽宮裏斷腸時春半如秋意轉迷獨坐紗牕刺繡遲  
淚沾衣不見人歸見鴈歸

前調

劉基

亂山凝黛色高低江雨霏霏江草齊閉戶無人鳥自啼  
綠楊堤笑煞山翁醉似泥

前調

吳子孝

梨花亂落柳陰稠  
畫水閒橫小舟  
柳外新波不斷流  
雨初收芳草如煙  
日色浮

前調

葛一龍

東風吹後滿天涯  
繫馬高樓春日斜  
歸夢離披隔柳花  
不如他處青山  
青青直到家

前調

沈懋德

梧桐疎雨對清尊  
檻外涼風送白蘋  
又聽孤鴻度塞雲  
奈離羣人在燕山  
書在秦

前調

夏復

珠簾斜捲翠鬟垂  
曉月重樓人未歸  
細按紅牙嬾畫眉

影徘徊一種東風幾樣吹

前調

明媛

沈宜修

雲屏寂寂鎖殘春錦瑟年華已半塵芳草留香燕語新  
繡苔茵金鈿瓊簫總殢人

前調

又一體

呂巖

二月江南山水路李花零落春無主一箇魚兒無覓處  
風和雨玉龍生甲歸天去

一葉落

淮南子一葉落而天下知秋  
調名本此單調三十一字

一葉落

後唐莊宗

一葉落牽珠箔此時景物正蕭索畫樓月影寒西風吹



羅幕吹羅幕往事思量著

蕃女怨

單調三十一字平仄以温庭筠詞為正謂首二句平仄可通者非

蕃女怨

温庭筠

萬枝香雪開已徧  
細雨雙燕鈿蟬  
箏金雀扇畫梁相見  
鴈門消息不歸來  
又飛迴

後庭花

亦有加破子二字取玉樹後庭花字單調三十二字

後庭花

王暉

綠樹遠連洲  
青山壓樹頭  
落日高城望  
煙霏翠滿樓  
木蘭舟  
彼汾一曲  
春風佳可遊

前調

邵亨貞

銅壺更漏殘紅妝春夢闌江上花無語天涯人未還倚  
樓閒月明千里隔江何處山

前調

邵亨貞

刺船鸚鵡洲題詩黃鶴樓金谷銅駝夢湘雲楚水愁少  
年遊好懷依舊故人還在不在

遐方怨

唐教坊樂名用為詞  
調單調三十二字

遐方怨

温庭筠

花半拆雨初晴未捲珠簾夢殘惆悵聞曉鶯宿妝眉淺  
粉山橫約鬟鸞鏡裏繡羅輕

轉應曲

一名調笑一名宮中調笑一名三臺調笑六  
七句有倒疊字故名轉應單調三十二字

轉應曲

韋應物

河漢河漢曉挂秋城漫漫愁人起坐相思塞北江南別  
離離別離別河漢雖同路絕

前調

王建

蝴蝶蝴蝶飛上金枝玉葉君前對舞春風百葉桃花樹  
紅紅樹紅樹燕語鶯啼日暮

前調

戴叔倫

邊草邊草邊草盡來兵老山北山南雪晴千里萬里月  
明明月明月蘆笳一聲愁絕

前調

馮延巳

春色春色依舊青門紫陌日斜柳暗花嬌醉臥春風少  
年年少年少行樂直須及早

前調

馮延巳

明月明月照得離人愁絕更深影入空牀不道幃屏夜  
長長夜長夜夢到庭花陰下

前調

蘇軾

漁父漁父江上微風細雨青蓑黃篛裳衣紅酒白魚暮  
歸歸暮歸暮長笛一聲何處

前調

劉基

沙燕沙燕別去幾時重見汀洲芳草纖纖細雨微風捲

簾簾捲簾捲人與碧桃俱晚

前調

劉基

白露白露點我庭前芳樹樹中有箇棲鴉啼到銀蟾影  
斜斜影斜影照見羅幃夢冷

前調

高啓

雙燕雙燕去歲今年相見往來東舍西家銜得泥中落  
花花落花落人在暮寒池閣

前調

高啓

疎雨疎雨綠滿蘼蕪洲渚江南相憶故人遠水遙山暮  
春春暮春暮風急畫船難渡

前調

楊慎



銀燭銀燭錦帳羅幃影獨離人無語消魂細雨斜風掩  
門門掩門掩數盡寒更漏點

前調

促織促織聲近銀牀轉急熏殘百合衣香消盡蘭膏夜  
長長夜長夜露冷芙蓉花謝

後庭花

又一體單調  
三十三字

後庭花

趙孟頫

清溪一葉舟芙蓉兩岸秋採菱誰家女歌聲起暮鷗亂  
雲愁滿頭風雨戴荷葉歸去休

訴衷情

一名一絲風單  
調三十三字

訴衷情

韋莊

碧沼紅芳煙雨靜倚蘭橈垂玉佩交帶裊纖腰鴛夢隔  
星橋迢迢越羅香暗消墜花翹

前調

韋莊

燭燼香殘簾半捲夢初驚花欲謝深夜月朧明何處按  
歌聲輕輕舞衣塵暗生負春情

前調

顧夙

香滅簾垂春漏永整鴛衾羅帶重雙鳳縷黃金牕外月  
光臨沉沉斷腸無處尋負春心

前調

又一體

溫庭筠

鶯語花舞春晝午雨霏微金帶枕宮錦鳳凰幃柳弱燕  
交飛依依遼陽音信稀夢中歸

甘州子

單調三  
十三字

甘州子

顧 覓

露桃花裏小樓深持玉盞聽瑤琴醉歸青瑣入鴛衾月  
色照衣襟山枕上翠鈿鎮省心

前調

顧 覓

紅爐深夜醉調笙敲拍處玉纖輕小屏古畫岸低平煙  
月滿閒庭山枕上燈背臉波橫

如夢令

本名憶仙姿因後唐莊宗作內有如夢二字遂以名調  
一名比梅一名宴桃源一名如意令單調三十三字

如夢令

白居易

前度小花靜院不比尋常時見見了又還休愁却等閒  
分散腸斷腸斷記取釵橫鬢亂

前調

後唐莊宗

曾宴桃源深洞一曲清歌舞鳳長記別伊時和淚出門  
相送如夢如夢殘月落花煙重

前調

晏殊

樓外殘陽紅滿春入柳條將半桃李不禁風回首落英  
無限腸斷腸斷人共楚天俱遠

前調

蘇軾

爲向東坡傳語人在畫堂深處別後有誰來雪壓小橋  
無路歸去歸去江上一犁春雨

前調

蘇軾

手種堂前桃李無限綠陰青子簾外百舌兒驚起五更  
春睡居士居士莫忘小橋流水

前調

秦觀

門外鶯啼楊柳春色著人如酒睡起熨沉香玉腕不勝  
金斗消瘦消瘦還是褪花時候

前調

秦觀

遙夜月明如水風緊驛亭深閉夢破鼠窺燈霜送曉寒  
侵被無寐無寐門外馬嘶人起



前調

秦觀

鷺鶯啄花紅溜燕尾點波綠皺指冷玉笙寒吹徹小梅  
春透依舊依舊人與綠楊俱瘦

前調

秦觀

幽夢匆匆破後妝粉亂痕沾袖遙想酒醒來無奈玉銷  
花瘦回首回首遶岸夕陽疎柳

前調

秦觀

池上春歸何處滿目落花飛絮孤館悄無人夢斷月堤  
歸路無緒無緒簾外五更風雨

前調

李之儀

回首蕪城舊苑還是翠深紅淺春色已無多斜日滿簾

飛燕不見不見門掩落花庭院

前調

賀鑄

蓮葉初生南浦兩岸綠楊飛絮向晚鯉魚風斷送綵帆  
何處凝佇凝佇樓外一江煙雨

前調

晁沖之

牆外轆轤金井驚夢夢騰初省深院閉斜陽燕入陰陰  
簾影人靜人靜花落鳥啼風定

前調

晁沖之

門在垂楊影裏樓枕曲江春水一陣牡丹風香壓滿園  
花氣沉沉醉沉沉不記綠牕先睡

前調

晁沖之

簾外新來雙燕珠閣瓊樓穿徧香徑得泥歸飛蹙池塘  
波面誰見誰見春晚昭陽宮殿

前調

蘇庠

疊嶂曉埋煙雨忽作飛花無數整整復斜斜來伴南枝  
清苦日暮日暮何許雲林煙樹

前調

周紫芝

林外野塘煙膩衣上落梅香細瘦馬步凌兢人在亂山  
叢裏憔悴憔悴回望小樓千里

前調

謝逸

花落鶯啼春暮陌上綠楊飛絮金鴨晚香寒人在洞房  
深處無語無語葉上數聲疎雨

前調

謝逸

門外落花流水日暖杜鵑聲碎番馬小屏風一枕畫堂  
春睡如醉如醉正是困人天氣

前調

晁端禮

又是青春將暮望極桃源歸路洞戶悄無人空鎖一庭  
紅雨凝佇凝佇人面不知何處

前調

曹組

門外綠陰千頃兩兩黃鸝相應睡起不勝情行到碧梧  
金井人靜人靜風弄一枝花影

前調

李祁

春水湖塘深處竹暗沙洲無路閒伴落梅來却信東風

歸去且住且住細看兩山煙雨

前調

李 祁

不見玉人清曉長嘯一聲雲杪碧水滿蘭塘竹外一枝  
風裊奇妙奇妙半夜山空月皎

前調

王之道

一晌凝情無語手撚梅花何處倚竹不勝愁暗想江頭  
歸路東去東去短艇澹煙疎雨

前調

張元幹

潮退江南晚渡山暗水西煙雨天氣十分涼斷送一年  
殘暑歸去歸去香霧曲屏深處

前調

呂本中



海鴈橋邊春苦幾見落花飛絮重到柳陰西嬾問畫樓  
何處凝佇凝佇十頃荷花風雨

前調

賦梁燕

辛棄疾

燕子幾曾歸去只在翠巖深處重到畫梁間誰與舊巢  
爲主深許深許聞道鳳凰來住

前調

范成大

罨畫屏中客住水色山光無數斜日滿江聲何處撐來  
小渡休去休去驚散一洲鷗鷺

前調

范成大

兩兩鶯啼何許尋徧綠陰濃處天氣潤羅衣病起却恹  
微暑休雨休雨明日榴花端午

前調

陳三聘

紅紫不將春住風定更飄無數溪漲綠含風短艇晚橫  
沙渡歸去歸去肯念西池鴛鴦

前調

陳三聘

珍重故人相許來向水亭幽處文字間金釵消盡晚天  
微暑無雨無雨不比尋常端午

前調

呂勝己

花上嬌鶯啞啞著色江南圖畫可惜好春風有酒無人  
同把拚捨拚捨獨醉好天良夜

前調

劉克莊

今夜荼蘼風起應是玉消瓊碎澹蕩滿城春惱破愁人

春睡須醉須醉莫待黃梅雨細

前調

陸游

獨倚博山峰小翠霧滿身飛繞只恐學行雲去作陽臺  
春曉春曉春曉滿院綠楊芳草

前調

張輯

深夜沉沉尊酒酒醒客衾寒透城角挾霜飛吹得月如  
清晝倻倻倻比著梅花誰瘦

前調

吳潛

江上綠楊芳草想見故園春好一洞海棠花昨夜夢魂  
飛繞驚曉驚曉牕外一聲啼鳥

前調

方岳

知是誰家燕子直恁惺忪言語深入繡簾來無奈落花  
飛絮春去春去且道與卿何與

前調

趙汝茷

小砑紅綾牋紙一字一行春淚封了更親題題了又還  
摺起歸未歸未好箇瘦人天氣

前調

吳文英

春在綠牕楊柳人與流鶯俱瘦看底暮寒生簾額時翻  
波皺風驟風驟花徑啼紅滿袖

前調

村景

蔣捷

夜月溪篁鸞鳥影曉霧巖花鶴頂半世踏紅塵到底輸他  
村景村景村景樵斧耕蓑漁艇

前調

陳允平

閒倚瑣牕工繡春困兩眉頻皺獨自下香街攀折畫橋  
煙柳晴晝晴晝偏稱玉樓歌酒

前調

陳允平

何處春風歸路金屋空藏樊素零亂海棠花有夢欲隨  
春去情緒情緒粉濺兩行冰筋

前調

張炎

隱隱煙痕輕注拂拂暗香微度十二小紅闌人與玉簫  
何處歸去歸去醉插一枝風露

前調

張炎

苔徑獨行清晝瑟瑟松風如舊出岫本無心遲種門前



楊柳回首回首籬下白衣來否

前調

石孝友

照水粉梅開盡春淺峭寒猶甚香氣著人衣斗帳玉兒  
生暈那更那更簾外月斜風橫

前調

石孝友

風獵亂香如埽又是粉梅開了庭戶鎖殘寒夢斷池塘  
春草情悄悄情悄悄簾外數聲啼鳥

前調

石孝友

折寄隴頭春信香淺綠柔紅嫩插向鬢雲邊添得幾多  
風韻但問但問管與玉容相稱

前調

宋媛  
李清照

常記溪亭日暮沈醉不知歸路與盡晚回舟誤入藕花  
深處爭渡爭渡驚起一行鷗鷺

前調

李清照

昨夜雨疎風驟濃睡不消殘酒試問捲簾人却道海棠  
依舊知否知否應是綠肥紅瘦

前調

宋媛  
孫道絢

翠擘紅蕉影亂月上朱闌一半風自碧空來吹落歌珠  
一串不見不見人被翠簾遮斷

前調

送別

宋媛  
陸氏姬

日暮馬嘶人去船逐清波東注後夜最高樓還肯思量  
人否無緒無緒生怕黃昏疎雨

前調

紅白  
桃花

宋妓

嚴

藥

道是梨花不是道是杏花不是白白與紅紅別是東風  
情味曾記曾記人在武陵微醉

前調

劉景翔

獨立荷汀煙暮一霎錦雲香雨似爲我無情驚起鴛鴦  
飛去飛去飛去却在綠楊深處

前調

王容溪

林下一溪春水林上數峰嵐翠中有隱居人茅屋數間  
而已無事無事石上坐看雲起

前調

菰村  
賦贈

王逢

簷聳數株松子村繞一灣菰米鷗外迴聞雞望望雲山

煙水多此多此酒進玉盤雙鯉

前調

倪瓚

削跡松陵華寓藏密白雲深處造物已安排萬事何須  
先慮歸去歸去海鶴山猿同住

前調

王容行

滿眼落花飛絮回首瓊林玉樹驢背是何人得了灞橋  
詩句歸去歸去春在醉鄉深處

前調

王景行

一日尋芳一度一樹繁花一步回首又何時流水亂紅  
無數春暮春暮幽草綠陰庭戶

前調

劉基

題畫

草際斜陽紅委林表晴嵐綠靡何許一漁舟搖動半江  
秋水風起風起棹入白蘋花裏

前調

春雪

楊基

點綴落梅穠李埋沒蒼苔芳芷樓上倚闌人立在玉屏  
風裏風起風起都做一江春水

前調

春風

楊基

銀渚拂波輕度羅幄送寒低護催得百花開又與百花  
相妒無數無數吹過畫闌西去

前調

顧璘

夜靜猛風將雨落盡紫榆千樹行客憶江南渺渺碧天  
窮處無緒無緒獨與寒燈賓主



前調

楊慎

雲影月華穿過雨意鐘聲敲破洞戶捲簾時飛透流螢  
一箇孤坐孤坐白雪金徽誰和

前調

王世貞

殘月碧梧金井屈戌繡屏初冷徙倚不成眠紅淚一雙  
珠迸孤影孤影長自伴人宵永

前調

梅雪雙樓圖

馮琦

竹外瑤華千頃更與素梅掩映雙雀噪寒枝蹴落飛花  
無影相並相並明月驚棲不定

前調

蘆鴈

王衡

風起蘆花如醉歷歷鴈行成字一點一聲寒霜重曉楓

羣碎知未知未只在淺深沙際

前調

陳子龍

紅燭逢迎何處笑倚玉人私語莫上軟金鈎留取水沉  
濃霧難去難去門外尺深花雨

前調

明媛 武氏

畫閣閒吟玉案簾捲薰風滿院悶則坐花前獨立闌干  
倚徧堪玩堪玩座裏清陰一半

前調

明妓 王微

簾外月消煙冷凍瘦一枝花影空館不勝情此際知誰  
管領夢醒夢醒又把閒愁細整

西溪子

西單調三  
十三字

管貯西溪子 牛嶠

捍撥雙盤金鳳蟬鬢玉釵搖動畫堂前人不語絃解語

彈到昭君怨處翠蛾愁不擡頭

照效 王世燾

尚思帝鄉 畫閣

單調三  
十三字

思帝鄉

照效 韋莊

雲鬢墜鳳釵垂鬢墜釵垂無力枕函敲翡翠屏深月落

漏依依說盡人間天上兩心知莫土輝金燭留照水

天仙子

刺于譜

一名萬斯年曲有作天台  
仙子者單調三十四字

天仙子

皇甫松

晴野鷺鷥飛一隻水蒨花發秋江碧劉郎此日別天仙  
登綺席淚珠滴十二晚峰青歷歷

前調

皇甫松

躑躅花開紅照水鷓鴣飛繞青山背行人經歲始歸來  
千萬里錯相倚懊惱天仙應有以

前調

和凝

柳色披衫金縷鳳纖手輕拈紅豆弄翠蛾雙斂正含情  
桃花洞瑤臺夢一片春愁誰與共

前調

又一體

韋莊

悵望前回夢裏期看花不語苦尋思露桃宮裏小腰肢

看眼細鬢雲垂惟有多情宋玉知

歸自謠

一作歸國送單調三十四字又名思佳客令與鷓鴣天別名思佳客者不同

歸自謠

馮延巳

江水碧江上何人吹玉簫扁舟遠送瀟湘客蘆花千里  
霜月白傷行色來朝便是關山隔

前調

歐陽修

春豔豔江上晚峰三四點柳絲如翦花如染香閨寂寂  
門半掩愁眉斂淚珠滴破胭脂臉

前調

朱諫

溪邊石兩股含鴈生繡澀春光點點蒼苔濕天孫戲把



金刀擲無人識請君試問并州客

風流子

單調三  
十四字

風流子

孫光憲

金絡玉銜嘶馬繫向綠楊陰下朱戶掩繡簾垂曲院水  
流花謝歡罷歸也猶在九衢深夜

前調

孫光憲

茆舍槿籬溪曲雞犬自南自北菰葉長水荇開門外春  
波漲綠聽織聲促軋軋鳴梭穿屋

御選歷代詩餘卷二

秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲

秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲

秋聲

秋聲

秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲

秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲

秋聲

秋聲

秋聲

秋聲

秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲  
秋聲

御選歷代詩餘卷三目錄

起三十五字  
至四十字

定西番

温庭筠 三首

韋莊 二首

毛熙震

孫光憲

江城子

和凝 二首

牛嶠

張泌

望江怨

牛嶠

范洎

西溪子 又一體

李珣

毛文錫

連理枝

李白

何滿子

和凝

長相思

白居易 二首

南唐李煜 二首

馮延巳

歐陽修 二首

周邦彥

方俟雅言 二首

王灼 四首

鄧肅

康與之

呂勝巳

劉克莊 二首

李石



陸游 二首

張輯 二首

黃機 二首

黃昇 三首

張炎

歐良 四首

石孝友 三首

趙潛 二首

汪元量 二首

袁正真

王子可 二首

王行

劉基

三首

朱諫

張縉

李攀龍

吳子孝

葛一龍

王鳳嫺

顧若璞

沈靜專

江城子

又一體

尹鷲

思帝鄉 又一體

温庭筠

孫光憲

相見歡

薛昭蘊

南唐李煜 二首

毛滂

蔣子雲

辛棄疾 二首

陸游

石孝友

康仲伯

陳逢辰

無名氏

二首

王庭筠

元好問

劉鉉

楊慎

風光好

歐良

何滿子

又一體

楊慎 二首

江城子 又一體

牛嶠

憶秦娥

毛滂 二首

調笑令

孫光憲

毛滂 四首

鄭僅 二首

曾慥

無名氏



搗練子 又一體

無名氏

望梅花

和凝

孫光憲

醉太平

劉過

戴復古

周密

孫惟信

李彭老

王夢應

顏奎

感恩多

牛嶠

薄命女

和凝

上行杯

孫光憲

感恩多 又一體

牛嶠

春光好

和凝

拋球樂

又一體

馮延巳

和凝

李肩吾

蝴蝶兒

尹鶚

太平時

歐陽修

賀鑄

三首

陸游

上林春令

楊无咎

昭君怨

蘇軾

秦觀

万俟雅言

韓駒

侯寘

辛棄疾

楊萬里

劉克莊

二首

張鎡

劉光祖

鄭域

王從叔

馬洪

楊慎

陳繼儒

錢繼登

御選歷代詩餘卷三目錄

御選歷代詩餘

卷三

目錄



御選歷代詩話卷三目錄

魏謙登

刺擊詞

縣尉雅言

風光

王贊妹

曉謝

陸大

樂

御選歷代詩餘卷三

起三十五字  
至四十字

司經局洗馬掌局事兼翰林院修撰加二級臣王奕清奉

旨校刊

定西番

唐教坊曲名雙  
調三十五字

定西番

温庭筠

漢使昔年離別攀弱柳折寒梅上高臺  
雪鴈來人不來羌笛一聲愁絕月徘徊

千里玉關春

前調

温庭筠

海燕欲飛調羽萱草綠杏花紅隔簾櫳  
縷一枝春豔濃樓上月明三五瑣牕中

雙鬢翠霞金

前調

温庭筠

細雨曉鶯春晚人似玉柳如着正相思  
羅幙翠簾初捲鏡中花一枝腸斷寒門消息鴈來稀

前調

韋莊

挑盡金燈紅燼人灼灼漏遲遲未眠時  
斜倚銀屏無語閒愁上翠睂悶煞梧桐殘雨滴相思

前調

韋莊

芳草叢生縷結花豔豔雨濛濛曉庭中  
塞遠久無音問愁消鏡裏紅紫燕黃鸝獨自恨何窮

前調

毛熙震

蒼翠濃陰滿院鶯對語蝶交飛戲薔薇  
斜日倚闌風

好餘香出繡衣未得玉郎消息幾時歸

前調

孫光憲

雞祿山前遊騎邊草白朔天明馬蹄輕  
鵲面弓離短  
鵲彎來月欲成一隻鳴髀雲外曉鴻驚

江城子

或作江神子一名水晶簾單調三十五字

江城子

和凝

竹裏風生月上門理秦箏對雲屏輕撥朱絃恐亂馬嘶  
聲含恨含嬌獨自語今夜約太遲生

前調

和文凝

斗轉星移玉漏頻已三更對棲鶯歷歷花間似有馬蹄

江城子

定西番 江城子 望江怨

聲含笑整衣開繡戶斜斂手下階迎

前調

牛嶠

鷓鴣飛起郡城東碧江空半灘風越王宮殿蘋葉藕花  
中簾捲水樓魚浪起千片雪雨濛濛

前調

張泌

碧闌干外小中庭雨初晴曉鶯聲飛絮落花時節近清  
明睡起捲簾無一事勻面了沒心情

望江怨

單調三十五字第三第五第七句平仄互異

望江怨

牛嶠

東風急惜別花時手頻執羅幃愁獨入馬嘶殘雨春蕪



濕倚門立寄語薄情郎粉香和淚滴

前調 無邪其收亦能亦動目滿巫山范雨泅

蘭房曉絡緯縲絲聲未了一霎愁多少桐陰斜壓闌干  
小人悄悄羅幙手慵開惟恐驚棲鳥

### 西溪子

又一體單調  
三十五字

西溪子 羅剎春金翠闌風闌干香心李戴珣

金縷翠鈿浮動妝罷小牕圓夢日高時春已老人未到  
滿地落花慵掃無語倚屏風泣殘紅

### 前調

毛文錫

昨夜西溪遊賞芳樹奇花千樣鎖春光金樽滿聽絃管

望江怨 西溪子 連理枝 何滿子

嬌妓舞衫香暖不覺到斜暉馬馱歸

連理枝

單調三十五字宋詞俱加後疊又名為小桃紅

金鬢連理枝

雪蓋宮樓閉羅幙昏金翠鬪壓闌干香心淡薄梅梢輕

倚噴寶猊香燼麝煙濃馥紅綃翠被

何滿子

唐人崔令欽教坊記作河滿然此調之始為滄洲歌者何滿所作則當從何單調三十六字

蘭氣何滿子

寫得魚箋無限其如花鎖春暉目斷巫山雲雨空教殘

夢依依却愛薰香小鴨羨他長在屏幃

長相思

雙調三十六字有八句皆用韻者有後疊起句不用韻者有後疊另換一韻者梁陳樂府多取古詩長相思三字作起句調名本此一名山漸青一名雙紅豆一名憶多嬌一名青山相送迎

長相思

白居易

深畫眉淺畫眉  
蟬鬢鬢鬢雲滿衣  
陽臺行雨回  
巫山  
高巫山低暮雨  
瀟瀟郎不歸  
空房獨守時

前調

白居易

汴水流泗水流  
流到瓜洲古渡頭  
吳山點點愁  
思悠  
悠恨悠悠恨到歸時  
方始休  
月明人倚樓

前調

南唐李煜

一重山兩重山  
山山遠天高煙水寒  
相思楓葉丹  
菊花

開菊花殘塞鴈高飛人未還一簾風月閒

前調

南唐李煜

雲一縷玉一梭淡淡衫兒薄薄羅輕鬢雙黛螺  
多雨如和簾外芭蕉三兩窠夜長人奈何  
秋風

前調

馮延巳

紅滿枝綠滿枝宿雨厭厭睡起遲閒庭花影移  
憶歸  
期數歸期夢見雖多相見稀相逢知幾時

前調

歐陽修

蘋滿溪柳繞堤相送行人溪水西回時隴月低  
煙霏  
霏雨淒淒重倚朱門聽馬嘶寒鴉相對飛

前調

歐陽修

花似伊柳似伊花柳春來人別離  
低頭雙淚垂  
長江東長江西兩岸鴛鴦兩處飛  
相逢知幾時

前調

周邦彥

沙棠舟小棹遊池水澄澄人影浮  
錦鱗遲上鉤  
煙雲愁簫鼓休再得來時  
已變秋欲歸須少留

前調

雨

万俟雅言

一聲聲一更更  
牕外芭蕉牕裏燈  
此時無限情  
夢難成  
恨難平  
不道愁人不喜聽  
空階滴到明

前調

山驛

万俟雅言

短長亭古今情  
樓外涼蟾一暈生  
雨餘秋更清  
暮雲平  
暮山橫  
幾葉秋聲和鴈聲  
行人不要聽



前調

王灼

來匆匆去匆匆短夢無憑春又空難隨郎馬蹤  
山重  
重水重重飛絮流雲西復東音書何處通

前調

鄧肅

一重溪兩重溪溪轉山迴路欲迷朱闌出翠微  
梅花  
飛雪花飛醉臥幽亭不掩扉冷香尋夢歸

前調

康與之

南高峰北高峰一片湖光煙靄中春來愁煞儂  
郎意  
濃妾意濃油壁車輕郎馬驄相逢九里松

前調

呂勝已

展顰娥抹流波並插玲瓏碧玉梭鬆分兩髻螺  
曉霜

和凍輕呵拍罷陽春白雪歌  
儂人春意多

前調

惜梅

劉克莊

寒相催暖相催催了開時催謝時  
丁寧花放遲  
角聲  
吹笛聲吹吹了南枝吹北枝  
明朝成雪飛

前調

餞別

劉克莊

風瀟瀟雨瀟瀟相送津亭折柳條  
春愁不自聊  
煙迢迢  
迢迢水迢迢  
擬江邊駐畫橈  
舟人頻報潮

前調

李石

花飛飛絮飛飛三月江南煙雨時  
樓臺春樹迷  
雙鶯  
兒雙燕兒橋北橋南相對啼  
行人猶未歸

前調

陸游

往還履在詩餘 卷三  
橋如虹水如空一葉飄然煙雨中天教稱放翁  
篷使江風解舍參差漁市東到時聞暮鐘  
側船

前調

陸游

暮山青暮霞明夢筆橋頭艇子橫蘋風吹酒醒  
生看潮平小住西陵莫較程蓴絲初可烹  
看潮

前調

張輯

山無情水無情楊柳飛花春雨晴征衫長短亭  
行重行行行到江南第幾程江南山漸青  
擬行

前調

黃機

東梁山西梁山占斷長江相對閒古今雙鬢斑  
漫水漫漫人事如潮多往還淺顰深恨間  
天漫

前調

黃昇

天悠悠水悠悠月印金樞曉未收  
笛聲人倚樓 蘆花秋蓼花秋  
催得吳霜點鬢稠香箋莫寄愁

前調

黃昇

砧聲齊杵聲齊金井欄邊敗葉飛  
夜寒烏不棲 風淒淒露淒淒  
影轉梧桐月已西花冠牕外啼

前調

黃昇

惜春歸愛春歸脫了羅衣著苧衣  
綠陰黃鳥啼 酒醒時夢醒時  
清簟疎簾一局碁丁東風馬兒

前調

贈別

張炎

去來心短長亭只隔中間一片雲  
不知何處尋 悶還

顰恨還嗔同是天涯流落人此情煙水深

前調

歐良

不思量又思量一點寒燈耿夜光鴛衾閒半牀  
雨聲長漏聲長幾陣斜風搖紙牕如何不斷腸

前調

歐良

雲垂垂雨霏霏祇恐今年花事遲不然孤負伊  
燕飛飛柳依依有箇人人倚翠扉愁橫雙黛眉

前調

歐良

雨如絲柳如絲織出春來一段奇鶯梭來往飛  
酒如池醉如泥遮莫教人有醒時雨晴都不知

前調

歐良



燕成雙蝶成雙飛去飛來楊柳旁問伊因底狂  
綠紗  
惚篆爐香午夢驚回書滿牀  
碁聲春晝長  
王十同

前調

石孝友

樹槎牙水交加冷豔疎疎瘦影斜幾枝梅放花  
天一  
涯路三叉已是情多怨物華那堪更憶家  
東五真

前調

石孝友

紅依稀綠依稀寒勒花梢開較遲蝶魂空自迷  
怕人  
疑使人疑人道間愁總未知歌眉因甚低  
五示量

前調

石孝友

蝶團飛鶯亂啼陌上花開人未歸碧臺歌舞稀  
月入  
扉風滿帷坐到黃昏人靜時  
清愁人不知  
蘇

前調

水仙

趙

潛

金璞明玉璞明小小杯盤翠袖擎滿將春色盛  
鳴瓊佩鳴雪月花中過洞庭此時人獨清  
僊佩

前調

越上寄雪江

汪元量

吳山深越山深空谷佳人金玉音有誰知此心  
夜沉沉漏沉沉間却梅花一曲琴月高松竹林

前調

送汪水雲

宋宮人

袁正真

南高峰北高峰南北高峰雲淡濃湖山圖畫中  
采芙蓉賞芙蓉小小紅船西復東相思無路通

前調

王子可

風暖時雨晴時熏摺羅衣人未歸  
螭蛾愁欲飛枕瓊

霞鎖牕紗簾月樓空燕子家春風埽落花

前調

王行

煙蒼蒼水茫茫閒訪幽人煙水鄉扁舟孤興長  
蒲含霜柳含霜蒲柳蕭蕭青又黃水雲鷗鷺藏

前調

劉基

桃花開李花開小白長紅越女腮春風巧剪裁  
蜂徘徊蝶徘徊飲遍清香未肯回莫教飄綠苔

前調

嘉興道中

劉基

草青青麥青青草穗高低麥穗平黃花相間明  
鳴水禽鳴禽鳥與人同有情不堪聞此聲  
山禽

前調

劉基

晚風清晚雲輕雨意將成又不成斷霞天際明  
舊恨盈新恨生立到樓頭河漢傾無人知此情

前調

天柱峰

朱諫

天宇高地軸遙一柱亭亭萬丈標青泥到紫霄  
斷巨鼇立山椒日脚斜拖雲氣消僊宮倚碧寥

前調

張縵

對青山愛青山山色參差雲霧間孤雲何處還  
泊沙灣宿沙灣淅淅秋風江水寒繞船楓葉丹

前調

李攀龍

秋風清秋月明秋雨梧桐枕上驚秋夢不分明  
秋蛩吟秋鳥鳴秋鴈行行天際橫秋思最關情

前調

吳子孝

雨霏霏草離離花落江南燕子飛片時千萬思  
漏頻移枕頻欹水遠山長無夢歸兩情應自知

前調

葛一龍

風一邨雨一邨風雨蕭蕭獨閉門梨花也斷魂  
怕黃昏已黃昏濕透春衫冷不禁啼痕共酒痕

前調

明媛 王鳳嫺

梧葉殘楓葉殘塞鴈頻過人未還  
沈吟獨倚闌憶鄉關盼鄉關疊疊南雲山外山  
松梢日影寒

前調

明媛 顧若璞

梅子青豆子青飛絮飄飄撲短亭風寒羅袖輕  
送芳

長相思 江城子 思帝鄉



辰惜芳辰春事支離些箇情看峰恨幾層

前調

明媛沈靜專

春未盈蝶睡輕柳外東風吹恨生日長花氣清瘦魂  
驚一聲鶯羈住愁魔不放行遙山翠半醒

江城子

又一體單調  
三十六字

江城子  
春深冷不禁  
帝乘其風氣  
尹  
鶚

裙拖碧步飄香纖腰束素長鬢雲光拂面瓏璵玉碎  
凝妝寶柱秦箏彈向晚絃促鴈更思量

思帝鄉

又一體單調  
三十六字

吳千等

思帝鄉

温庭筠

花花滿枝紅似霞  
羅袖畫簾腸斷卓香車  
迴面共人閒語  
戰篋金鳳斜  
惟有阮郎春盡不歸家

前調

孫光憲

如何遣情情更多  
永日水堂簾下斂羞蛾  
六幅羅裙窄地微行  
曳碧波看盡滿池疎  
雨打團荷

相見歡

調始於唐宋人則名爲烏夜啼又名憶真娘又名憶真妃又名月上瓜洲其名上西樓西樓子西樓秋夜月者皆取南唐後主詞中字名調也雙調三十六字

相見歡

薛昭蘊

羅襦繡袂香紅  
畫堂中細草平沙蕃馬小  
屏風卷羅

幙凭妝閣思無窮暮雨輕煙魂斷隔簾櫳

前調

南唐李煜

林花謝了春紅太匆匆無奈朝來寒雨晚來風  
胭脂  
淚相留醉幾時重自是人生長恨水長東

前調

南唐李煜

無言獨上西樓月如鈎寂寞梧桐深院鎖清秋  
翦不  
斷理還亂是離愁別是一般滋味在心頭

前調

毛滂

十年湖海扁舟幾多愁白髮青燈今夜不宜秋  
中庭  
樹空塔雨思悠悠寂寞一生心事五更頭

前調

蔣子雲

小桃落盡殘紅夜來風又是一番春事不從容  
翠屏掩芳信斷轉愁濃可惜日長閒暇小簾櫳

前調

山行約友不至

辛棄疾

江頭醉倒山公月明中記得昨宵歸路笑兒童  
溪欲轉山已斷兩三松一段可憐風月欠詩翁

前調

辛棄疾

晚花露葉風條燕雙高行過長廊西畔小紅橋  
歌再唱人再舞酒纔消更把一杯重勸摘櫻桃

前調

陸游

江頭綠暗紅稀燕交飛忽到當年行處恨依依  
灑清淚嘆人事與心違滿酌玉壺花露送春歸

印是...

...

相見歡

...

前調

石孝友

瀟湘雨打船篷別離中愁見拍天滄水攪天風  
留不住終須去莫匆匆後夜一樽何處與誰同

前調

康仲伯

匆匆一望關河聽離歌艇子急催雙槳下清波  
淋浪醉闌干淚奈情何明日畫橋西畔暮雲多

前調

陳逢辰

月痕未到朱扉送郎時暗裏一汪兒淚沒人知  
搵不住收不聚被風吹吹作一天愁雨損花枝

前調

無名氏

都無一點殘紅夜來風底事東君歸去太匆匆  
桃花



醉梨花淚總成空斷送一年春在綠陰中

前調

無名氏

一彎月挂危樓似藏鈎醉裏不知黃葉報新秋  
征鴻斷歸雲亂遠峰愁愁見綠楊凝恨在江頭

前調

王庭筠

淡煙疎雨新秋不禁愁記得青帘江上酒家樓  
人不住花無語水空流只有一雙檣燕肯相留

前調

玉簪花

元好問

花中間遠風流一枝秋只枉十分清瘦不禁愁  
人欲去花無語更遲留記得玉人遺下玉搔頭

前調

石榴

劉鉉

垂楊影裏殘紅甚匆匆只有榴花全不怨東風暮雨  
急曉霞濕綠玲瓏比似茜裙初染一般同

前調

楊慎

雨來江漲波渾沒沙痕掩過竹橋莎徑到柴門  
孤煙起千樹裏幾家邨牛背一聲長笛報黃昏

風光好

此調作者甚少天機餘錦止載無名氏  
一闕今查係歐良作雙調三十六字

風光好

歐良

柳陰陰水沉沉風約雙鳧立不禁碧波心  
孤邨橋斷人迷路舟橫渡旋買邨醪淺淺斟更微吟  
何滿子

又一體單調  
三十七字

何滿子

楊慎

敲枕夢回春曉倚闌人在天涯迢遞關山千萬里佳期  
水渺雲賒記得羅巾別淚愁看帶雨梨花

前調

楊慎

鶗鴂催成綠雨鷓鴣啼破紅霞馬上韶華真似夢惱人  
春思交加記得曉妝臨鏡愁看映水桃花

江城子

又一體單調  
三十七字

江城子

牛嶠

極浦煙銷水鳥飛離筵分手時送金卮渡口楊花狂雪

任風吹日暮空江波浪急芳草岸柳如絲

### 憶秦娥

雙調三十七字調名始於唐李白  
此與李詞迥別蓋後人所度也

### 憶秦娥

毛滂

醉醉醉擊珊瑚碎花花先借春光與酒家  
夜寒我醉誰扶我應抱瑤琴卧清清攬月吟風不用人

### 前調

毛滂

夜夜夜了花朝也連忙指點銀瓶索酒嘗  
明朝花落知多少莫把殘紅掃愁人一片花飛減却春

### 調笑令

單調三十八字稱古調笑而  
別名轉應曲者止三十二字

調笑令

孫光憲

柳岸水清淺笑折荷花呼女伴盈盈日照新妝面水調  
空傳幽怨扁舟日暮笑聲遠對此令人腸斷

前調

盼盼

毛滂

無力倚瑤瑟舞罷霓裳今幾日樓空雨小春寒逼鈿暈  
羅衫煙色簾前歸燕看人立却趁落花飛入

前調

鶯鶯

毛滂

何處長安路不記牆東花拂樹瑤琴理罷霓裳譜依舊  
月牕風戶薄情年少如飛絮夢逐玉環西去

前調

茗子

毛滂

芳草恨春老自是尋春來不早落花風起紅多少記得



一枝春小綠陰青子空相惱此恨平生懷抱

前調 秦娘

毛滂

香歇袂紅黥記立河橋花自折隼旗紺幟城西關教妾  
驚鴻回雪銅駝春夢空愁絕雲破碧江流月

前調 武陵

鄭僅

煙暖武陵晚洞裏春長花漫爛紅英滿地溪流淺漸聽  
雲中雞犬劉郎迷路香風遠誤到蓬萊僊館

前調

鄭僅

聲切恨難說千里潮平春浪濶梅風不解相思結忍送  
落花飛雪多才一去芳音絕更對珠簾新月

前調 梅

曾慥

清友羣芳右萬槁紛披茲獨秀天寒月薄黃昏後縞袂  
亭亭招手故山千樹連雲岫借問如今安否

前調

桃源  
集句

無名氏

相誤桃源路萬里蒼蒼煙水暮留君不住君須去秋月  
春風閒度桃花零亂如紅雨人面不知何處

搗練子

又一體  
雙調

三十八字

搗練子

無名氏

林下路水邊亭涼吹水曲散餘醒小藤牀隨意橫  
記得舊時經翠荷鬧雨做秋聲恁時節不堪聽  
猶

望梅花

單調三十八字和凝作望梅花詞即以名調  
更有名望梅者乃解連環之別名與此無涉

### 望梅花

和凝

春草全無消息臘雪猶餘蹤跡越嶺寒枝香自折冷豔  
奇芳堪惜何事壽陽無處覓吹入誰家橫笛

### 前調

又一體  
雙調

孫光憲

數枝開與短牆平見雪萼紅跗相映引起誰人邊塞情  
簾外欲三更吹斷離愁月正明空聽隔江聲

### 醉太平

一名醉思凡一名凌波曲一  
名四字今雙調三十八字

### 醉太平

劉過

情高意真看長鬢青小樓明月調箏寫春風數聲思

君憶君魂牽夢縈翠綃香暖雲屏更那堪酒醒

前調

戴復古

長亭短亭春風酒醒無端惹起離情有黃鸝數聲笑  
蓉繡茵江山畫屏夢中昨夜分明悔先行一程

前調

周密

看消額黃春凝淚妝玉屏水暖微香聽蜂兒打牕  
塵半牀綃痕半方愁心欲訴垂楊奈飛紅正忙

前調

孫惟信

吹簫跨鸞香銷夜闌杏花樓上春殘繡羅衾半閒襟  
寬帶寬千山萬山斷腸十二闌干更斜陽暮寒

前調

李彭老

蘭湯晚涼鸞釵半妝紅巾膩雪吹香擘蓮房賭雙  
羅  
紈素璫冰壺露牀月移花影西廂數流鶯過牆

前調

王夢應

寒牕月晴寒梢露明一痕歸影燈青又分攜短亭  
衡  
皋佩雲蒸溪酒春有誰勤說歸程是峰頭鴈聲

前調

顏奎

茶邊水經琴邊鶴經小牕甲子初晴報梅花小春小  
冠晉人小車洛人醉扶兒子門生指黃河解清

感恩多

雙調三  
十九字

感恩多

牛嶠



兩條紅粉淚多少香闈意強攀桃李枝斂愁眉陌上  
鶯啼蝶舞柳花飛柳花飛願得郎心意家還早歸

### 薄命女

一名長命女或加令字在唐樂府直  
是五言詩今斷以和凝詞為正格

### 薄命女

和凝

天欲曉宮漏穿花聲繚繞  
牕裏星光少  
冷霞寒侵帳  
額殘月光沉樹杪  
夢斷錦帷空  
悄悄強起愁眉小

### 上行杯

單調三  
十九字

### 上行杯

孫光憲

離棹逡巡欲動臨極浦故人相送去住  
心情知不共金

船滿捧綺羅愁絲管咽迴別帆影滅江浪如雪

感恩多

又一體雙  
調四十字

感恩多

牛嶠

自從南浦別愁見丁香結近來情轉深憶鴛衾幾度  
將書托煙鴈淚盈襟淚盈襟禮月求天願君知我心

春光好

唐明皇擊鼓催花曲名春光好調名  
本此一名愁倚闌令雙調四十字

春光好

和凝

紗牕暖畫屏閒彈雲鬢睡起四肢無力半春間玉指  
翦裁羅勝金盤點綴酥山窺宋深心無限事小眉彎

拋球樂

又一體單  
調四十字

拋球樂

馮延巳

霜積秋山萬樹紅倚巖樓上挂朱籠白雲天遠重重恨  
黃葉煙深浙浙風髣髴涼州曲吹在誰家玉笛中

前調

和凝

盡日登高興未殘紅樓人散月盤桓一鈎冷霧懸珠箔  
滿面西風凭玉闌歸去須沉醉小院新池月乍寒

前調

李肩吾

風冒薦紅雨易晴病花中酒過清明綺牕幽夢亂於柳  
羅袖淚痕疑似錫冷地思量著春色三停早二停

蝴蝶兒

起於唐張泌亦以起句為調名雙調四十字

蝴蝶兒

張泌

蝴蝶兒晚春時阿嬌初著淡黃衣倚牕學畫伊  
還似花間見雙雙對對飛無端和淚濕胭脂惹教雙翅垂

太平時

一名賀聖朝影一名添聲楊柳枝雙調四十字

太平時

歐陽修

白雪梨花紅粉桃露華高垂楊慢舞綠絲條草如袍  
風過小池輕浪起似江皋千金莫惜買香醪且陶陶

前調

賀鑄

秋盡江南葉未凋  
晚雲高青山隱隱  
水迢迢接亭皋  
二十四橋明月下  
弭蘭橈玉人何處  
教吹簫可憐宵

前調

風緊雲輕欲變秋  
雨初收江城水路  
漫悠悠帶汀洲  
正是客心孤迴處  
轉歸舟誰家紅袖  
倚津樓替人愁

前調

賀鑄

九曲池頭三月三  
柳珍珍香塵撲馬  
歎金銜浣春衫  
苦筍鮓魚鄉味美  
夢江南閨門煙水  
曉風恬落歸帆

前調

陸游

竹裏房櫳一徑深  
靜悄悄亂紅飛盡  
綠成陰有鳴禽  
臨罷蘭亭無一事  
自修琴銅爐裊裊  
海南沈洗塵襟



詞上林春令一車自於琴賦戲泉泉或南或北

竹裏或無今字雙調四十字翠彩精新韻韻疏飛盡然如創有

上林春令

楊无咎

穠李天桃堆繡正暖日如薰芳酒少年未用稱遐壽願來歲如今時候相將得意皇都同攜手上林春晝

昭君怨

賀鑄

五景一名宴西園一名一痕沙他如昭君詞昭君歎等皆樂府舊名與填詞無涉平仄四換韻雙調四十字華髮替入愁

風絮昭君怨送別雨外水欲曼蘇軾

誰作桓伊三弄驚破綠牕幽夢新月與愁煙滿江天欲去又還不去明日落花飛絮飛絮送行舟水東流

林盡前調葉未風如雲高青山對對水空秦好觀

隔葉乳鴉聲軟啼斷日斜陰轉楊柳小腰肢畫樓西  
役損風流心眼看上新愁無限極目送行雲此時情

前調

春望

今日休教  
萬俟雅言

春到南樓雪盡驚動燈期花信小雨一番寒倚闌干  
莫把闌干長倚一望幾重煙水何處是京華暮雲遮

前調

雪

韓駒

昨日樵邨漁浦今日瓊川銀渚山色捲簾看老峰巒  
錦帳美人貪睡不覺天孫剪水驚問是楊花是蘆花

前調

侯寘

晴日烘香花睡花豔浮杯人醉楊柳綠絲風水溶溶  
留戀芳叢深處嬾上錦鞦歸去待得牡丹開更回來

前調

辛棄疾來

長記瀟湘秋晚歌舞橘洲人散走馬月明中折芙蓉  
今日西山南浦畫棟珠簾雲雨風景不爭多奈愁何

前調

荷雨

楊萬里

午夢扁舟花底香滿西湖煙水急雨打篷聲夢初驚  
却是荷池跳雨散了真珠還聚聚作水銀窩瀉清波

前調

牡丹

劉克莊

曾看洛陽舊譜只許姚黃獨步若比廣陵花太虧他  
舊日豪家園圃今日荆榛滿路君莫說中州怕花愁

前調

瓊花

劉克莊

后土宮中標韻天上人間一本道號玉真妃字瓊姬

我與花曾半面流落天涯重見莫把玉簫吹怕驚飛

前調

夜月

張 鉉

月在碧虛中住人向亂荷中去花氣雜風涼滿船香  
雲被歌聲搖動酒被詩情掇送醉裏卧花心擁紅衾

前調

劉光祖

人在醉鄉居住記得舊曾來去疎雨聽芭蕉夢魂遙  
惆悵柳煙何處目送落霞江浦明夜月當樓照人愁

前調

梅花

鄭 域

道是花來春未道是雪來香異水外一枝斜野人家  
冷淡竹籬茅舍富貴玉堂瓊榭兩地不同栽一般開

前調

王從叔

門外春風幾度馬上行  
人何處休更卷珠簾  
草連天立盡海棠花  
月飛到茶蘼香雪莫  
恨夢難成夢無憑

前調

題小景

馬洪

路遠危峰斜照瘦馬  
風塵衣帽此去向蕭  
關上長安便坐紫駟  
花底只似黃梁夢裏  
三徑易生苔早歸來

前調

楊慎

樓外東風到早染得  
柳條黃了低拂玉闌  
干怯春寒正是困人  
時候午睡濃於中酒  
好夢是誰驚一聲鶯

前調

陳繼儒

記得去年穀雨柳蘸  
鶯黃春水水上奏琵  
琶一痕沙曲罷留儂  
歸去家在竹西溪住  
古樹挂藤花喫新茶



前調

錢繼登

曾記曲欄高處縹緲眼波深注柳外笑吟聲打流鶯  
月下梨香暗散雪後蘭芽肥綻更欲比妍華雨餘花

御選歷代詩餘卷三